



姓韻卷四十一

武威張澍纂



十一尤上

尤 見姓苑梁谿漫錄

班超傳超身司馬姚光共脅龜茲廢其王尤利多而立白

霸

吳志陸遜傳尤突鄱陽賊也帥

春渚記聞晉江尤氏其鄰朱氏圃中有柿木高出屋上一
夕雷震中裂木身若以濃墨書尤家二字連屬而上不知

其數至于木枝細者破視亦隨枝之大小成字尤氏乞得
其木作數百段分遺好事字體帶草勁健如王會稽書

宋史尤袤字延之無錫人官刑部尚書號遂初子裴官工

部侍郎孫焞字伯晦仕至刑部尚書端明殿大學士號木

石先生別之傑參知政事焞不 答詔

氏族畧尤絢尤昱南劍人尤台字公輔安谿人慶元丙子

應童子舉中書試以公則說賦詞藻絕出不求仕遠自號

退翁尤彬字叔文端平二年特奏召調真陽主簿

明史尤繼先榆林人萬厯中積功為大同副總兵後為遼

東總兵官為總督蹇達劾去繼先眇一目習兵敢戰時稱

獨目將軍尤世威與兄世功弟世祿並勇敢知名崇正二

年擢總官兵鎮守居庸昌平後至左都督洪承疇命駐盧

氏山中扼賊以大疫戰不利解任候勘宣大總督盧象昇

言世威善撫士卒曉軍機乃命赴軍自効後告歸李自成

陷西安副將惠顯叅將劉世傑等議推世威為主帥城陷

被執至西安自成欲降之不屈殺之世功中萬厯武舉歷

瀋陽游擊張承蔭之敗褫職楊鎬言其身負重傷才堪策

厲乃補武精營游擊熊廷弼愛其才用為總兵瀋陽被兵

死于戰

河南志尤時熙字季美洛陽人嘉靖元年舉人王守仁傳習錄始出土大夫多力排之時熙一見嘆曰道不在是乎授元氏教諭入為國子博士尋以戶部主事權稅濟墅課足而止母老乞終養歸不出日以脩己淑人為事學者稱西川先生

郵

見姓苑

顏師古曰叅驗左傳國語孟子郵無恤郵良郵無正王良實一人也為趙簡子御

憂

見姓苑路史

鄒

見路史

優

見潛夫論氏族畧路史

劉

見世系表廣韻劉子夕家史氏族畧

世系表士會雷仕秦靈公召士會秦人歸之其子孫處秦者為劉氏生明明生遠遠生陽十世孫戰國時獲于魏遂為魏大夫秦滅魏居大梁生清徙居沛清生仁號豐公生太公熾字執嘉按皇甫謐云名執嘉含神霧云執嘉妻含

始生劉季索隱云母湯氏貞時詳泗水碑一云太上皇名
煇生四子伯仲邦交劉向頌高祖云漢帝本系出自唐帝
降及于周在秦作劉涉位而東遂為豐公

劉子子家史云劉康公生康公劉夏夏生獻公劉摯摯生
文公劉卷一名狄字伯蚩卷生劉桓公及劉毅劉佗劉州
鳩其族仕晉者曰劉難與定公同時

留

見姓纂姓源廣韻

子華子後序程本聚徒著書其門人著書者曰留務滋按
鬼谷子姓留名務滋也神仙傳鬼谷子姓王名詡陸龜蒙

謂名訓一作詡又作謝

漢功臣表疆圉侯留盼以客吏初起從入漢以都尉擊項

籍代侯比彭侯千戶十一年戴侯章復嗣孝文三年侯復

嗣坐罪元除康四年盼曾孫長安大夫定詔復家按史記盼

作勝復作服

史記河間元王怒少史留貴留貴踰垣出欲告王王使人
殺其母

日者傳留長孺以相彘立名

東觀記袁安故綬不具丙丁募能為丙丁文者六安尉留

應能之賜帛五十匹

漢北海相景君銘碑陰有脩行營陵留岑漢典故午營陵
留敏元成

吳志左將軍雷贊字正明長山人子雷平官左將軍雷慮
官水軍督武昌監又孫皓鎮軍將軍西陵督雷憲西成都
尉雷略

晉侯妃志光祿勳雷耀

九江記留京臨江郡人孝行推於鄉里時江水暴漲居民
皆漂溺京負其母号泣忽有大龜至其前舉家七口俱上

龜背行十餘里及一高岸遂失龜

晉書淮南刺史郝隆慮之乎孫也治中留寶西曹雷承勸
隆起義兵誅趙王倫隆不從將士攻隆殺之

異苑東陽留道德元嘉四年家中筋竹忽生連理野人無
知謂之既崇斫殺之按道德一作道先

法苑珠林東陽雷寵字道弘一作居于湖熟每夜門庭自

有血數升不知所從來如此三四後寵為折衝將軍受命
北征將行而炊飯盡變為蟲其家人蒸麩亦變為蟲其火
逾猛其蟲逾壯寵遂北征軍敗于檀丘為徐寵所殺按寵

為蔡豹將此事亦見搜神記

晉陽秋永康八年穀城縣民雷珪夜見門內有先取得玉鼎一圓四寸廬江太守以獻

南燕錄昌黎人雷忠謀反誅遣中衛將軍衛雙就誅忠弟志于凡城

唐藝文志雷進管絃記十二卷雷叔先東陽朝堂讚一卷陳書南徐州刺史雷異按異先為梁南郡王蕭大連司馬凶狡殘暴為眾所患後降于侯景為東陽太守異東陽人帝即位以為縉州刺史領東陽太守初高祖以豐安公主

妻其子貞臣後為侯安都所破俘其妻異與其子忠臣奔

晉安

石臺孝經碑未有朝請大夫守國子博士上柱國雷元鼎鑒戒錄梁彭城王劉知俊鎮同州因築營掘得一物重八十餘斤狀如油囊招賓幕將校問之或曰地囊或曰飛廉或曰金神七殺獨雷源曰此是冤氣所結古來囹圄之地或有焉昔王世充據洛陽脩獄亦獲此物源聞酒能忘憂請奠以醇醪或可消釋耳然此物之出亦非吉徵也

五代史雷從效泉州永春人少習兵法初為散指揮使擊

敗朱文進之黨自領泉漳二州留後南唐以泉州為清遠
軍授從效節度使未幾加同平章事兼中書令鄂國公封
晉江王後遣使貢南唐又入貢于宋未幾卒南唐贈太尉
靈州大督^都按通鑑從效泉州桃林人

宋史留從讓從效從弟淳化中為泗州長史有清節藿藜
不充未嘗干人太宗聞之召遷揚州觀察使

宋史留正字仲正泉州人登進士紹熙元年官左丞相為
人謹守法度愛惜名器人不敢干以私子恭字伯夙提舉
浙西常平全活境內居民三十六萬六千餘人除帥紹興

號稱循吏改帥廣東平峒徭之亂弟丙端碩皆歷州郡以
才猷稱子元剛丙子元治元鈞碩子元長元亮皆貴顯端
字端父為司農寺丞使金寨其勢必亡歸陳治邊策端平
中除直龍圖閣正諸子中端最賢子元英元圭元崇碩字
季膺知岳州講荒政民便之後知建昌軍元剛字茂潛博
聞強記為文奇峭開禧三年試博學宏辭科官起居舍人
有雲麓集元圭字粹中知建安縣獄有重辟久不決一閱
即得其情

宋史留福徐州人屢戰有功開寶間以觀察使判雄州政

尚平易詔立遺愛碑

浙江志元雷稀固青田人讀書善言洪武初召對切時宜

上曰全實老人雷稀固賜改名稀古欲官之以老辭

浙江志雷夢齡青田人庠生取予不苟孝友成學

題名錄留志叔弘治乙丑進士留震臣萬麻甲戌進士留

敬臣萬麻丙戌進士均晉江縣人

雷吁氏見左傳

雷昆氏見穆天子傳

雷 見路史

錙 見毛傳路史

氏族畧宋錙文謨修職郎監潭州南嶽廟

元歐陽子有送錙文廷之清江錄事序云成安士登第自

文廷始按安成今安福縣也

江西志明錙績字孟熙南昌人父煥有雅行以詩名績愛

客不事生產著有嵩陽集霏雪集穿雲集子師邵性超邁

亦工詩世稱三錙

對攝篆大足縣于寶頂山見聖壽寺碑文為江西錙政人

撰官大足教諭在洪熙時

摻

見索隱按摻亦作嫪亦作拊

戰國策宣王謂摻留曰吾欲兩用公仲公叔其可乎對曰不用晉用六卿而國分簡公用田成監止而簡公弑魏兩用犀首張儀而西河之外亡今王兩用之其多力者內樹其黨其寡力者藉外權犀臣或內樹其黨以擅其主或外為交以裂其地則王之國必危矣注摻留韓人按通鑑作嫪留誤

韓非子陽山君相衛聞王之疑已也乃偽誇嫪監以知之史記呂不韋傳大陰人嫪毐為舍人與太后通生二子

史記南越王趙嬰齊娶邯鄲嫪氏女立為后生子興后先與霸陵人安國少季通弟摻樂以擊南越死事天子封其子廣德為龍亢侯按漢功臣表作龍侯一作龍侯

印藪漢有摻長摻親按集古印謚作摻長漢

文選注魏有河內太守摻尚按摻一引从手魏志作嫪尚

璆

氏族畧宋璆瑜龍南人知進賢事

秋

見辯證路史

按孟子奕秋姓秋因善奕故稱奕秋猶如無句造磬稱磬叔

秋名儲文選安陸王碑云奕思之微秋儲無以競巧即孟子所云奕秋也

列女傳魯人秋胡娶妻三月而游宦三年還其婦采桑于郊胡不識其妻悅之遺黃金不顧還家問妻何在曰行采桑既還乃向所挑之婦也婦怒投沂水死

風俗通漢時杜陵人秋胡能通尚書善為古隸字為翟公

所凡欲以兄妻之或曰秋胡已娶而失凡妻遂溺死不

可妻翟公舉古事明之曰西京雜記昔魯有兩曾參趙有

兩毛遂南曾參殺人見捕人以告北曾參母野人毛遂墮

井而死人以告平原君曰嗟乎喪予矣既而知野人非客

也豈得以昔之秋胡失凡而絕昏于今之秋胡哉按亦見

西京雜記徐鍇說文繫傳杜陵秋胡善古隸即應仲瑗所

說之人

史記戴敬侯秘彭祖按索隱本作秋彭祖注云漢表作秘

音響高祖功臣表正義云有戴侯秋家

姓源王莽時有秋君為蘓郡守

宋書先是中書侍郎舍人皆以名流為之太祖始用寒士

秋當又云當詣太子詹事王曇首不敢坐又詣中書郎張

敷敷呼左右移牀遠客按當海陵人見陸慧曉傳作狄當者非

饒州府志德祐元年元兵陷饒州設利陽鎮秋方登代之後方登降元

氏姓謚秋英洪武中典史或康人秋茂永樂中山東僉事
穎上人秋成洋縣貢士官知縣秋逢慶汝寧舉人嘉靖中
任遂寧縣嚴于御門吏禁肅然秋良幹海陽舉人明時知
吳橋縣剛介仁恕片言折訟抑強扶弱立義倉置義冢
秋伯氏見路史

由 見風俗通

說苑秦繆公以女樂二八與良宰遺戎王戎王喜迷惑大
亂由余驟諫而不聽因怒而歸繆公

漢書益州刺史梁國朱輔宣示漢德威懷遠夸白狼槃木
等百餘國皆舉種偃臣奉貢白狼王唐菽作詩三章歌頌
漢德輔使捷為郡椽由恭譯而獻之

急就章漢有平原相由廣國按急就章止由廣國三字一
作田廣國無漢有平原相五字

北齊在孫寺造像記碑有邑子由元琛

急就章唐由居敬為陵川尹廉明正直政教舉脩有瑞麥
佳禾之祥

高麗史契丹由道等九人來投

陝西通志通由天性字純夫富平人嘉靖舉人判合州禽巨

盜勸農桑蜀人德之

弇山堂別集由朮門杞縣人官主事

氏姓謹由亮平度人正德貢士任汜水教諭由九峯恩縣
人萬厯中山西沁州知州甚有恩惠

由吾氏見姓纂

北史由吾道榮琅邪人仕齊為諫議大夫按太平寰宇記
引海州舊記云道士由吾道榮本沐陽人精心好道學窮
秘錄天意人事無不通隨文帝特徵之至都拜諫議大夫
卒葬東海縣北有由吾大夫廟又按北齊書初晉陽人明
法術為人傭道榮訪得其人其人以法授之曰我本恒山
仙人有罪為天宮所謫今限滿將歸又道榮嘗至遼陽山
中夜逢猛獸以杖畫地即成大坑猛獸遂走

唐藝文志由吾裕著葬經二卷按一作由吾公裕

由章氏見潛夫論

風俗通漢有由章昌至長沙王太傅按儒林傳作申章昌
由余氏見辯證

攸 見姓苑路史

廣韻北燕尚書攸邁按攸一作條條姓出安定也

統謚宋攸天祐嘉定間任福建宣慰使攸承洪武中任御

史安平人

游 見姓纂

按左成三年傳楚代鄭鄭公子偃帥師禦之杜注穆公子

即子游也襄八年傳子孔子蟜子展欲待晉杜注子蟜子

游子即公孫薑也襄二十二年傳游取將妘晉杜注游取

公孫薑子即子明也是年傳又云子展廢良而立太叔杜

注良游取子太叔取弟定六年游吉帥師滅許杜注游即吉

太叔子即子寬也昭元年傳鄭放游楚于吳杜注游楚子

南穆公孫即公孫楚也

左傳周使游孫伯如鄭請滑注周大夫

史記周有游騰秦國宜陽游騰謂公仲曰公何不與趙蘭

離石祀以質許地則樓緩必敗收韓趙之地以臨魏樓鼻

必敗矣注鼻元作鼻

漢書百官表游尋為御史大夫游顥為司隸校尉

三輔決錄游殷字幼齊識張既于童豎子楚仕魏隴西太

守按還寃記殷為羽林中郎將先與司隸校尉胡軫有隙
誣搆殺之殷死月餘軫病目精脫但伏罪稱幼齊將鬼來
于是遂死

魏志安南太守游奕

前趙錄游子遠慧亮好學年十五入洛陽張萼奇之曰此
兒雅潔洪方佳公子也為光祿大夫諫劉曜用刑被囚又
于獄中上表諫爭曜手毀其表後赦出為車騎大將軍降

權渠禽其子伊餘

又石勒主簿游綸勒將襲王浚殺綸以兄統在范陽恐泄
軍謀也勒軍至易孫緯馳白浚勒兵拒之游統禁之勒責
其不忠殺之

前燕錄慕容廆以廣平游邃為股肱官河南尹邃嘗為昌
黎太守王浚以手書召邃兄暢暢欲赴之邃曰王彭祖刑
政不脩草戎離叛以邃度之必不能久兄且盤桓俟之
後魏書游雅字伯度官秘書監其族祖曰鯁仕慕容熙為
樂浪太守生幼仕慕容跋為廣平太守幼生明根字志遠

仕魏孝文為儀曹尚書年七十五為國五更與高閭以儒學齊名時號高游子肇字伯始官至廷尉博綜經史外寬柔而內剛直子祥字宗良官國子博士子皓字賓多

北魏孝文弔比干墓碑文有中壘將軍帶徐聞令廣平郡游綏

游棣氏見英賢傳

漢藝文志法家有游棣子一篇按辯證氏族畧以為複姓游水氏見漢書注

漢郊祀志成帝時文成既死明年天子病甚巫醫無所不

致游水發根言上郡有巫病而鬼下之師古曰游水姓也發根名也

遊 按遊與游同今有二姓

姓纂魏河南尹遊述始居廣平六代孫後魏尚書明根生僕射肇按魏大長秋游君碑云君諱述字庶祖廣平人碑未嘗言官河南尹述嘗為宛句 尚書郎左丞元城令治

書侍御史南安北海安平東海太守筭節令遂為大長秋字亦不作遊

晉書石勒主簿遊綸兄統為王浚司馬按後趙錄作游綸

牛 見廣韻姓纂

左襄二十五年傳牛臣隱于短牆射吳諸樊卒牛臣巢人
晉語少室周為趙簡子右聞牛設有勇力請與之戲弗勝
致右馬按韓非子作晉陽力士牛子耕

國策王破原陽以為騎邑牛贊進諫曰國有固籍兵有常
經變籍則亂失經則弱今王破原陽以為騎邑是變籍而
棄經也按成靈王之臣又有牛翦見韓子

史記魏世家公仲連進牛畜荀欣徐越畜侍以仁義注侍
猶勸也

列子大儒牛缺遇盜于耦沙盜以其賢殺之亦見呂覽

風俗通漢有牛崇為隴西主簿馬文淵為太守羊喜為功
曹涼部云三牲脩具

古今注牛亨問董仲舒子駒乘民

高士傳牛牢字君直與先成友善帝既位徵牢稱疾不至
詔曰朕幼交牛君真清高士也恒有疾州郡之官常先到
家致意焉

百官表張掖太守牛商子夏為右扶風齊相牛抵為御史
大夫

爰延傳外黃令隴西牛述延名士爰延為廷掾漢陽潛為主簿范丹為功曹

漢書牛邯字孺卿狄道人先為隗囂將及降拜護羌校尉

後漢書朝廷聞益州亂以五官中郎將牛亶為益州刺史徵劉璋為卿不至

十六國春秋前秦苻堅使牛恬聘魏魏令燕鳳報之前秦

秦西州豪族牛雙推姚萇為盟主前秦苻生綏集將軍金

紫光祿大夫牛彥改中軍將軍愨禍自殺前涼有將軍牛

旋重弩使拒王擢張祚秦州刺史牛霸北涼有郎中牛溫

後秦有隴西牛壽率漢中流人歸晉

晉書小吏牛金後逃難改為牢氏又改秦氏後復姓

姓萇唐相牛僧孺乃隨竒章公牛和之後和字里仁明皇

相牛仙客為鷄觚牛氏按僧孺之子蔚叢蔚字大章第進士

後檢校兵部尚書山南西道節度使叢字來齡第進士咸

通未拜劍南西川節度使又按新書牛尉作牛勛開元時

有內常侍牛仙童犯贓決殺之

脩 見英賢傳

外戚傳醫徐遂成言習君之曰成帝時醫脩氏刺治成帝

得二十萬耳今愈上不得封侯不如殺上

劉寬碑陰門生名有郎中河內州脩統子經按州即隼縣
律麻志光和二年歲在己未三月五日皆陰太史令脩部
舍人張恂等推計行度以為三月近四月遠

廣韻漢有屯騎校尉脩炳

吳志前部督脩則為毛晃所殺後陶璜破交趾獲毛晃則
子允固求殺晃允後為合浦太守轉九真刺史

晉書王敦以王諒為交州刺史使收前刺史脩湛諒誘湛
斬之按湛允之子也

晉書脩肅廬陵人為典書令懷帝始立為皇太帝弟思不敢

當肅曰二相經營王室志寧社稷儲副之重宜歸時望親
賢之舉非大王而誰清河幼弱未允眾望今乘輿播越二
宮久曠宜及時登儲副帝曰卿吾宋昌也

晉書五行志哀帝興寧二年五月癸卯廬陵西昌縣脩明
家有僵栗樹是日忽復起生

南齊書蕭穎孚自建康出亡廬陵氏脩靈祐為之聚兵得
二千人襲廬陵克之按南史言穎胄奉齊和帝于江陵稱
尊号穎達昇之同舉兵而穎則自建業為廬陵人脩景智

潛引昇南僅乃得達梁書云穎字出亡廬陵人循景智及宗人靈祐為起兵作循非也

氏姓謚宋脩或丹富順人寶祐進士按富順志脩或丹定已丑黃朴榜

氏姓謚脩廣順香山人弘治中大名府照磨脩琮即墨人正德間任山西典史有治行民懷之

題名錄脩廷獻山東寧海衛人崇禎丁丑進士

通州志脩鑰山東單縣貢生雍正間任通州吏目

縉紳錄嘉慶時脩田良曹州舉人任莘縣訓導

脩魚氏見史記潛夫論廣韻

脩羊氏此姓諸書無今補

列仙傳脩羊公蜀人隱鸞山石室漢景帝祀之化為白石羊題其脅曰脩羊公謝天子後置石羊于通靈臺按一作魏人

脩或氏此姓諸書無今補

魏志軻比能率代郡烏丸脩或盧等三千餘騎驅牛馬七萬餘口交市

犍 見風俗通

史記晉大夫魏犇餘按即讎餘即左傳之壽餘也為魏邑
大夫

姓韻卷四十二

十一尤

周 見廣韻世系表路史

河圖運錄法黃帝將周昌按史記趙相有周昌言陳^成_孫賓客^成恐有變漢御史大夫周昌此有三周昌也

周書商太史周任檀弓魯有周豐

列女傳齊宣王佞臣周破胡讒即墨大夫

真誥秦孝王時道士周大賓至句曲山種五果

列女傳太原周亮師事王子晉得靈通變化

按戰國策西周有周佼東周有周啟又有周最秦相有周

恢晉趙鞅臣周舍魏有周市周霄周楚^叔有周文即周章

趙武靈王臣周紹秦始皇僕射周青臣漢高祖臣御史大

夫周苛昌之從兄

陳留傳角里先生姓周名述字元道河內軹人太伯之後

京師號曰霸上先生

搜神記東海孝婦姓周名青

周生氏見魏志注路史

姓苑後漢周生豐字偉防太山南成陽人建成七年為豫
章太守清約儉惠按馮衍傳令狐略讒衍于尚書令周生
豐即人^此也衍傳注引豫章志與姓苑同

釋文序錄魏初有博士周生烈字文^達敦煌人為論語義
說左傳注周生子等書按論語序疏云字文逸魏志王朗
傳自魏初徵士敦煌周生烈歷注傳經頗傳于世何晏論
語集解有烈義例餘所著述見晉成帝中經簿

抱朴子正郭篇故中書郎周生恭遠英偉名儒也亦曰夫
遇治而贊之謂之樂道遭亂而救之謂之憂道不可救而
避之謂之守道漢世將傾世務交游林宗法當慨然虛心
要契君子共矯而正之而身栖栖為之雄伯非救世之宜
也

周蓋氏見英賢傳

周陽氏見漢也酷吏傳

酷吏傳周陽由以宗家任為郎事文帝景帝時由為郡守
成帝即位吏治尚脩然由^居二千石中最高為暴酷驕恣所愛
者撓法活之所憎者曲法滅之所居郡必夷其豪為守視
都尉如今為都尉陵太守奪之治汲黯為校司馬安之文

惡俱在二千石列同車未嘗敢均茵馮後由為河東都尉
與其守勝屠公爭權相告勝屠公當抵罪義不受刑自殺
而由弃市

外戚傳蓋長主納周陽氏女令配耦帝

鐘鼎款識周陽家鐘藏歐陽公家銘曰周陽家金鐘漢器
又有周陽侯甌蓋一時器也考古圖有周陽侯甌蓋

郭頌魏晉世語魏文帝時周陽成能占災異

周史氏見姓纂

州 見風俗通司馬三皇紀路史

論語摘象輔黃帝七輔州選舉翼佐帝德

左襄二十三年傳欒邾與其老州賓通注欒邾桓子妻范
宣子女盈之母也

左襄十八年傳晉大夫州綽射殖綽中肩後為齊莊公臣死崔子
之難

劉寬碑陰門生名有汲州豫修真

隸釋漢吉成侯州輔碑陰有上黨太守州郡當世細陽侯

州相寶李珍河陽長州宗伯興郎中州博起世光祿丞州

永孟元公車令州忠叔玉即長州湯伯德郎中州起巨堅

隨守長州歆宣雕荊州從事州穆宣豫州熹伯平守令州
稱子明處士州龍宣興按州輔官者犍縣人水經注中常
侍州苞即州輔為長樂太僕

魏志兗州刺史州秦南陽人善用兵官至征虜將軍都督
江南諸軍事按王昶傳昶曾為新城太守世語云歷兗豫
州刺史所在有籌算績效

氏族畧宋太始中汝南人州韶隱居求志徵員外郎散騎
常侍皆不起

州山氏此姓諸書無今補

山海經南岳娶州山氏女曰女虔

州來氏見路史

舟 見國語

古今人表高辛師舟人按國語舟人禿姓

左閔公二年傳號公敗犬戎于渭汭舟之僑曰無德而祿
殃也遂奔晉後為晉殺按說苑文公出亡舟之僑去虞而
而從焉文公反國賞從臣舟之僑不拜乃陳龍蛇之詞文
公欲爵祿之歷階而去求之不得終身誦甫田之詩又按
陳龍蛇之詞者係介之推此說謂舟之僑未知何居

呂氏春秋荆文王得舟之姬淫暮年不聽朝保申諫王遂
舟之姬按一本本作舟丹姬又作丹陽之姬事亦見說苑

古器有舟姜敦

氏族畧宋端拱間舟宗閔登科

舟相氏

姓纂魯舟相氏見家語按此有誤家語無其人

丘 見風俗通廣韻

左昭二十三年傳邾丘弱茅地徐鉏為獲

列子丘邴章為黑耶殺子來丹報仇

史記龜策漢有丘子明富溢貴寵傾于朝廷

風俗傳通或帝時丘仲作笛

百官表左馮翊丘咸子期

三輔決錄丘訢傲俗自謂無伍注丘訢字季春扶風長陵
人少有大材傲世不能与俗人為群郡名始見曰明府欲
臣訢耶友訢耶師訢耶

姓謚丘氏世居扶風漢末扶風丘俊持節江淮屬王莽篡
位遂留江左吳興也

楊惲傳丘常為郎中謂惲曰聞君侯訟韓馮翊當得活乎

惲曰事何容易脛脛者未必全也我不能自保真人所謂鼠不容穴銜窶數者也

漢書上騰冲帝時為九江太守有罪下獄死按東觀記騰知罪法深大懷挾姦巧稽留道路下獄死

謝承書上滕烏程人光武時為公卿退居鄉邑乃于先人故塋築室與弟子共居

高士傳荀靖沒穎陰令上禎追號靖為孺行先生

魏志漢末遼西烏丸大人上力居眾五千餘落

晉五行志明帝太和三年曹休部曲上奚農女死復生

南史上昂吳興人家貧好學織畚以自給與弟給事中夷太守矩並以孝行聞當時謂之三上

梁書上靈鞠烏程人祖希秘書監父道真護軍長史靈鞠

少好學善屬文官長沙王車騎長史大中大夫著江左文

章錄序起太興訖元熙子暹字希範高祖踐阼遷中書侍郎待詔文德殿天監三年出為永嘉太守在郡不稱職後遷司徒從事中郎

齊書上仲孚字公信齊永明初遷為國子生舉高第為山陰令甚有聲稱百姓謠言二傅沈劉不如一丘為衛尉卿

遷豫章內史更屬清節撰皇典二十卷南宮故事百卷又撰尚書具事雜儀行于世

宋書止巨源蘭陵人為宋孝武所知大明五年勅助徐爰撰國史後為武昌太守

齊書遣振武將軍丘冠先拜伏連籌為秦河二州刺史伏連籌逼冠先使拜不從推冠先墜崖而死上厚賜其子雄

隨書上行恭有勇善騎射大業末與師利聚兵萬人保鄒城人多依之羣盜不敢闕境率眾謁秦王于河渭北拜光祿

大夫累有戰功擢左衛將軍從侯侯君集平高昌進右武候

將軍子神勣按太宗殺劉蘭右驍衛大將軍上行恭探其心肝而食之太宗召讓之行恭無以答

唐苑文志止深之晉義熙以來新集目錄三卷止賓卿梁

天監四年書目四卷止據相國涼公錄一卷記李抱貞事

據官諫議大夫止啓期隨記十卷開元管城尉止光庭康

教論一卷兼明書四卷止為集卷止為蘇州人事繼母孝

有靈芝生草堂下累官太子右庶子時年八十餘而母無恙

給俸祿之半及居憂觀察使韓滉以致仕官給祿所以優

養老臣不可在喪為異惟罷春秋羊酒初還鄉縣令來謁

為候門磬折令坐乃拜里胥立庭下既出乃敢坐經其署
降車而趨卒年八十六

丘明氏見風俗通兼明書

丘目陵氏見後周書按一作丘陵

北魏孝文帝比干墓文碑陰有散騎員外郎侍光祿勳少

卿黃平子臣河南郡丘目陵純又員外散騎帶呂輿給事

中臣河南郡丘目陵惠侍中司徒公都督中外諸軍事太

子太師駙馬長樂郡開國公臣長樂郡丘目陵亮

按魏穆觀本姓丘穆陵魏主稱其達於政要識吾旨趣

丘敦氏見官氏志

按庾開府集有周使持節大將軍廣化郡開國公丘敦崇

傳五代祖邈驃騎大將軍開府儀同三司營州郡開國公

祖雙軌使持節驃騎將軍司徒二州刺史謚文昭公祖持

節衛將軍駙馬都督河二州刺史永壽縣開國公父願使

持節大都督諸軍事務州刺史縣開國公

按魏右弼丘堆本姓丘敦魏主稱其雖無大用然在公專

謹

丘林氏見漢書南匈奴傳官氏志

不
按音彪

晉書成帝紀咸寧五年冬十月汲郡人不準掘魏襄王冢
得竹簡小篆古書十餘萬言藏於秘府按史記正義作咸
和五年誤束皙傳及穆天子傳序皆作太康二年王隱晉
書以為盜發安釐王冢

唐書不雄徐州人少為牙將敢殺善戰會昌初回紇入寇
詔雄為防禦使兼朔方刺使佐劉沔屯雲州

不更氏見英賢傳路史

英賢傳秦簡公時不更苗為執法按一引英賢傳曰秦大

夫不更女夫之後秦簡公時有不更首為執法按不更女
父見成十三年傳為晉獲苗与首字相近

不夸氏見世本路史

不第氏見潛夫論

不茅氏見潛夫論

不蒙氏見姓纂按不蒙即夫蒙亦作不蒙

魏書羌酋不蒙蛾遣使內附

後秦錄錄不蒙世為姚興安遠將軍伐魏之役隨姚平赴

汾水按氏族畧以為晉官非也

唐書武后末年有河源軍大使不蒙令卿與郭元振同迎吐蕃降人按一作夫蒙令卿

鄒 見說文路史

國策齊有鄒忌為將封成侯鄒衍善談天鄒奭治始終按劉向別錄奭采鄒衍之術迂大而闕辯齊人美之曰談天鄒又按郊祀志騶衍以陰陽主運晉灼曰燕昭王築宮師之故作主運之篇如淳曰今其書有主運五行相次轉用事隨方而為服也劉向別錄鄒子在燕燕有乘谷地美而寒不生五穀鄒子居之吹律而溫氣至今稱乘谷按此鄒

子即衍也

漢藝文志有鄒氏夾氏春秋阮孝緒七略云建武中鄒夾氏並絕按後漢書作騶夾

西京雜記鄒長倩菑川人與王孫和善解衣裳以衣之釋冠履以身之又贈以芻一束素絲一縑撲滿一枚書題遺之按一作御長倩

論衡東蕃鄒伯奇著元思

後漢書應劭傳邊章韓遂為寇皇甫嵩請發烏桓三千人北軍中候鄒靖言烏桓眾弱宜開幕鮮卑

公孫瓚傳瓚所置漁陽太守鄒丹為鮮于輔所殺

魏志桓範為洛陽典農中郎將使持節督都青徐諸軍事

治下邳與徐州刺史鄒岐爭屋引節欲斬岐為岐所奏不

直免坐

晉書鄒軌南陽人為魏左將軍入晉生湛湛生捷按湛為

羊祐主簿捷身陸機雲潘岳歐陽建杜斌摯虞繆徵諸葛

詮左思牽秀劉琨等為賈謐二十四友湛著易統略五卷

鄒屠氏見拾遺記此姓諸書無今補

荒史顯頊妃鄒屠氏生八凱駱明蒼舒隋欽大臨厖降庭

豎仲容叔達

見路史

漢書東越王餘善將騶力為吞漢將軍徐廣云騶作駱誤

隸釋漢碑有騶氏鏡銘云騶氏作竟四夷服

蕩陰令張遷表碑陰有故吏騶尉義

集古印謚漢有騶忘之騶部

晉書傳祗傳齊王冏收常侍騶捷按捷為太傅參軍南陽

人一作鄒捷

晉五行志元帝太興初尚書騶謝平妻生女墮地漚漚有

聲俄而死鼻目皆在項上面處如項有口齒都連為一胸如鼈手足爪如鳥爪

騶馬氏此姓諸書無今補

按國語沈諸梁曰昔齊騶馬繻以胡公入于貝水常注騶馬繻齊大夫胡公齊太公之孫之子胡公靖也貝水水名胡公虐馬繻馬繻殺胡公內之貝水

漢書楊惲傳安定太守孫會宗與惲書諫戒之會有日食變騶馬猥佐成上書告惲驕奢不悔日食之咎此人所致章下廷尉案驗按荀悅紀猥作隈如淳云騶馬以給騶使

乘之佐主猥馬支也有史有佐名成者其說迂冗未可依據猥是名佐成乃字

聊
按即鄰字

禮記孔子少孤不知父墓問于聊曼父之母然後得合葬于防按史記聊人輓父之母誨孔子父墓是不以為姓也周礼夏官司燿鄭司農注引鄰子云冬取柞樵之火云云格古要論鄉姻鄰鳳律得西洋布其白如雪濶七八尺

稠
見漢書注

漢功臣表常樂侯稠雕以匈奴大當戶與渾邪降侯五百

七十戶太初三年侯廣漢嗣按霍去病傳作調雖

表

見風俗傳賈公彥周胤疏急就章廣韻

晉書秦州刺史表苞

唐書表甫浙東賊帥攻陷象山入剡縣自稱天下都知兵
馬使改元曰羅平鑄印曰天平後為王式禽之坐斬式為
觀察使

姓纂表承詢十九世同居

氏姓謹表萬頃字元量新建人有孝行節操登淳熙進士
為樂平簿清聲播聞遷大理寺直有竹齋詩集慶厓中表

仇

見廣韻

仲容表仲莊兄弟孝友事母割股肉飼之有祥雲覆其家
列仙傳仇生當殷湯時為木正三十餘年而更壯皆知其
奇人也共師奉之常食松脂在尸鄉北山自作石室至周
武王幸其室而祀之

國策趙有仇赫按史記作仇赧一作仇液又作仇机或靈
王使仇液之韓

古今人表有仇机按說苑作机机云魯之恭士行年七十
其恭益甚

殷芸小說外黃令仇明子名叔說項羽者

隸續武都太守李翕西狹頌乃下辯仇靖字漢德者作文
並寫也靖為從史位

析里橋郿閣頌仇審字孔信下辯人

王莽傳都匠仇延莽封為邯波里附城

後漢書仇覽字季智一名香考城人為蒲亭侯長感化陳元

為孝子少子元最知名按卞子郭林宗謂仇季知曰子常

有過否季知曰吾嘗牛牛不食一搏牛耳

晉書南郡廉吏仇勃母老病因賊至守衛不移拷掠幾至

隕命劉和以為歸鄉令

前秦錄苻堅以仇騰為尚書領選又為甘松護軍馮翊太

守後秦錄汧氐仇高彊熙奔秦州竇衝奔汧川高執送于

姚興

後燕錄仇款馮翊重泉人仕慕容暉烏丸護軍長水校尉

生二子長曰嵩少曰騰嵩仕垂殿中將軍侍御史

元和郡縣志初陳川自始基敗後遣將仇留伐鄢以逼蔡

州祖逖遣衛策進戎谷北高丘以禦仇留故呼為仇留城

在寧陵縣南九十里

廣異記唐仇嘉福京兆富平人家在蒲臺邨應舉入洛出
京遇一少年狀若王者裘馬僕從甚盛見嘉福有喜狀因
問何適曰應舉之都人云吾亦東行喜君相逐問其姓云
姓白經一年^日以後乘載嘉福數日至華嶽廟謂嘉福曰吾
非常人天帝使我案天下鬼神今須入廟鞠問君命相與
我有舊能入廟否事畢當俱入都從之入便見翠幙雲黯
貴人當案而坐以竹倚牀坐嘉福尋有教呼獄神神至俯
伏貴人呼責數四命左右曳出徧台關中諸神點名未至
昆明池神令嘉福避之至^堂後聞痛楚聲扶幕看見已婦

頭縣庭樹審其必死心色俱壞頃刻貴人召還見色惡問
之以實對貴人曰君婦若我婦也寧得不料理之遂召獄
神放還勅嘉福返家至則其妻遂活蓋貴人是太乙神也
余後累思必至為嘉福迴換五六政大^獲其力

唐書開元時左衛將軍仇克義後官滄州刺史又宦者仇
士良又劉闢將仇良輔舉鹿頭城二萬眾降于高崇文
氏族畧宋仇愈字泰然益都人登大觀進士為高密丞攝
縣事俗尚囂訟剖決如流事無淹夕民懷餅餌以俟官至
左朝奉大夫

氏族畧仇博字彥文新安人質敏博學善屬文父著知梓
州嘗建至樂堂博年十三作記東坡見而奇之嘗作雪中
失白馬詩

宋史仇伯玉字粹夫開封人仕為戶部侍郎上乞致仕啟
云乞骸以老敢希漢博之高風鼓腹而嬉願遂堯民之至
樂

仇尼氏此姓諸書無今補

後魏書給事仇尼道盛有寵于太子晃與宗愛不協愛構
其罪魏主斬道盛于都街

後燕錄蘭汗遣撫軍將軍仇尼慕討慕容竒為蘭提及加
難襲敗之

後燕錄馮熙營州刺史鎮東大將軍洛陽公仇尼倪鎮宿
軍

後燕錄侍御史將軍仇尼歸勸慕容會殺農隆二王會從
之歸為農所執歸又赴會會遣攻龍城衛尉河東公仇尼
遂並鮮卑人

仇由氏

呂氏春秋中山之國有凡絲者智伯欲攻之鑄大鐘方車

二軌以遺之凡繇之君將迎鐘赤章蔓枝諫不用斷轂而行至衛七日而凡繇亡按凡繇即仇由

浮 見姓苑路史

汲冢古文瓌語晉平公夢朱熊窺其屏惡之而疾問于子產對曰昔共工之卿曰浮游游于顓頊自沈于淮其色赤其言善笑其行善顧其狀如熊為天王崇見之堂上則王天下者死見之堂下則邦人駭見之門則近臣憂見之庭則無傷今窺君之屏病而無傷其祭顓頊共工乎從其言而病閒按墨子浮游作矢即是人

氏姓謹浮簡永州人嘉靖中江西撫州照磨

浮屠氏見李賢漢書注按即浮圖氏

唐書高麗大將軍浮屠信誠遣謀約內應後以信誠為銀青光祿大夫

又扶餘璋從子福信掌將兵乃与浮屠道琛據周留城

常侍言旨浮圖泓與張說置永樂東南第一宅有永巷者戒曰此宅西北隅最是王地慎勿于此取土越月泓又至謂曰此宅氣候忽然索漠必恐取土于西南隅也視之果有取土坑三數皆深丈餘泓大驚曰禍事令公富貴一身

而已更二十年諸郎君皆不得天年後果然

唐書日本國王桓武遣使者朝其學子浮屠空海願留肄

業

浮萊氏見路史

浮丘氏見路史

列仙傳王子晉好吹笙作鳳鳴游伊洛閒道士浮丘公接

上嵩高山三十餘年後來山上見桓良曰告我家七月七

日待我緱氏山頭果見乘白鶴在山巔望之不得到舉手

謝時人數日去按唐藝文志浮丘公相鶴經一卷

史記李斯師浮丘公按鹽鐵論作鮑丘子誤宜作苞丘苞

古音浮

漢書楚元王傳楚元王交少時嘗與魯白生穆生申公學

詩于齊人浮丘伯伯者荀卿門人也高后時浮丘伯在長

安元王遣子郢客与申公俱卒業服虔曰浮丘伯秦時儒

士

求 見姓苑姓纂

何武傳武帝顯家有市籍租常不入市嗇夫求商捕辱顯

武白太守召為卒史州里皆服

三輔決錄漢有求仲羊仲與蔣詡友善皆治車為業挫廉
逃名之士

按宋恩學士題名有求氏名缺落亦蜀人係易師也
驚易國志求次方蜀郡人柳宗所薦仕至郡守

氏族畧宋有求利忠越州人登科

氏姓謹求伯傑天台人洪武中任崇仁縣丞以清慎薦知

郴州求琰字信圭新昌人宣德中任九江通判政尚寬厚

年見風俗通路史

左昭公元年傳莒年夸以年婁及防茲來奔

史記齊敬仲世家有大夫年辛

漢書年融字子優安丘人以大夏侯尚書教授官太尉子

麟為郎

漢儒林傳博士年卿周堪授尚書于卿

又年長字君高臨濟人習歐陽尚書號為年氏章句不仕

王莽光武時拜博士遷河內太守子紆隱居教授

謁者長景君碑陰弟子樂安高宛年龍字文世

張納碑陰賊曹史枳年梁

姓詳漢靈帝時有年子蒼梧人避世交趾著年子理感按

此年孫名博傳非年融也

梁書平西將軍年漢寵叛降魏

十六國春秋前趙將軍年穆與長史臨深降劉演石虎棄

臣年咸南燕慕容超黃門令年常

魏書高祖謂高潛曰蠕蠕使年提小心恭慎甚有使人之

體同行疾其敦厚每至陵辱思其還北必被謗誣

唐書薛仁果將年君牙降唐

年孫氏見姓苑路史
此姓諸書無今補

梁始興王廟碑陰有吏絳道助

侔 見路史

漢執文志有侯子著書注云一作侔子

謀 見風俗通

唐書默啜陰山都督謀落旬雞率眾內附是西戎有謀姓

也

猷

風俗通衛有猷康今望出隴西按氏族畧引云漢有猷康

隴西人

疇 見風俗通姓纂路史

左傳哀十三年越疇無餘謳陽自南方伐吳吳人敗之王
孫彌庸獲疇無餘王子地獲謳陽國語韋昭注二子越大
夫

彪 見姓誼路史

左昭二十二年傳魏舒韓不信合諸侯之大夫于狄泉城
成周魏子南面衛彪僕曰魏子必有大咎于位以令大事
非其任也

謝承漢書昆陽彪義山按袁宏漢紀朱寵為潁川太守問
功曹吏鄭凱以郡中之賢士往哲凱對曰彪義山英姿秀

偉逸才挺出究孔聖之房奧存文武于將陸文麗春筭辭

蔚藻績出于昆陽

姓氏誼宋有彪虎臣字漢明湘鄉人從胡安國父子游講

明正學不事進取子居正字德美號敬齋受業張栻之門
充嶽麓山長人稱為彪夫子在淳熙時

陝西通志成寧人彪準萬麻時舉人任汾陽知縣

統謚彪唐攸縣人弘治中新寧縣知縣按弇山堂別集唐
作堂

正字通膠子耕宋人號蕭閒居士著蕭閒詞一卷

颯

左昭二十九年傳蔡墨曰昔有颯叔安有裔子曰董父實甚好龍杜注颯古國也叔安其君名按古今人表作廖叔安

颯叔氏見路史

颯

見路史

緱

見廣韻山海經注緱音鈞

漢書申屠蟠傳同郡緱氏女玉為父報仇殺夫氏之黨吏

執玉以告外黃令梁配欲論殺玉蟠諫之得減死按風俗

傳陳留緱氏女名玉為父報仇殺夫氏之黨又杜預女誠

載蟠奏記于縣之詞

漢敬阮碑陰郡吏有緱羣字伯羣

北齊西門豹祠堂碑陰有武猛從事魏郡緱文缺一字

壩城集仙錄緱仙姑長沙人入道居衡山年八十餘容色

甚于魏夫人仙壇精脩香火十餘年了然無侶壇側多

虎姑無畏怖有一青鳥形如鳩鴿紅頂長尾飛來所居自

語云我南嶽夫人使也以姑脩道精苦獨栖窮林命我為

伴又言西王母姓緱乃姑之祖也

舊唐書許子儒居選部不以藻鑑為意有令使緱直是其腹心每注官多委令下筆子儒但高枕而臥語緱直云平配由是補授失序傳為口實按新書子儒偃臥不下筆時人語曰句直平配与此差違

南唐書緱進筠為汀州刺史

明史孝宗時都督同知緱謙與侍郎張海經略哈密

河南志緱賢西華人弘治中曹州判官

陝西通志緱載章廊州人明貢生官知縣緱山鶴廊州人

乾隆甲戌進士緱家駿廊州舉人嘉慶時任乾州訓導

兗 見姓苑路史

鮑 見大荒南經此姓諸書無今補

姓韻卷四十三

武威張

澍篋

十一尤

句

見山海大荒東經姓篋路史

左定三年傳吳敗楚左司馬戎傷謂其臣曰誰能免吾首
吳句卑曰臣賤可乎司馬曰我實失子可乎哉三戰皆傷
曰吾不可用也已句卑布裳頸而畏之陸氏釋文云句右
侯反

國語越大夫句如

史記句井疆孔子弟子也秦人

蜀志有句安句扶為大將按句安句扶漢昌人官至左將軍封宕渠侯安後降魏

姓謚晉有句方句鑰為參軍皆蜀人

前秦錄苻堅將句難前趙錄巴酋句徐巴歸善王句渠知

姓氏考五代進士句景延後唐時入蜀為著姓著錦里著

舊傳八卷按張彭亦作錦里者舊傳

弇山堂別集句璽伏羌人任都指揮

句龍氏見左傳姓纂

漢書句龍大人吾師卑離順帝二年十一月使句奴中郎

將馬寔募遣人刺殺句龍吾斯送首洛陽又烏桓傳句龍

吾斯南句奴左部也

鍾輅前定錄洛陽句龍生善相人兼好飲酒武殷至洛陽問名與婚生日子之祿與壽甚厚然而晚遇

揮塵錄宋句龍如淵本句氏避高宗諱加龍字官御史中

丞

四川志句龍傳成都人撰春秋三傳分國記事本末又句

龍爽善畫見宣和畫譜

句章氏見姓源韻譜

左傳越有句章昧楚語范環對楚王曰王嘗用召滑于越而納句章昧之難韋注句章屬會稽昧唐昧越將按此說非也句章其姓昧其名唐昧即唐蔑楚將亦非越將也

句
見宋史

宋史句濤字景山新繁人史館脩撰不附秦檜高宗嘆其忠

四川志句中正句希古句若古俱夔陽人雍熙二年乙酉

科進士句希仲夔陽人中正子仕至光祿卿大中祥符八

年乙卯科進士句務滋榮州人一甲第三人句克儉鄆縣

人句中容成都人慶曆六年丙戌科進士句士良成都人

皇祐元年己丑科進士句獎榮州人句昌逢成都人嘉祐

二年丁酉科進士句申榮州人熙寧三年庚戌科進士句

仲通榮州人熙寧九年丙辰科進士句純榮州人熙寧中

進士句麟雙流人熙寧中進士句居體成都人權領懷安

軍事元豐中進士句敢臨成都人元祐中進士句宗召新

繁人崇寧二年癸未科進士句濤新繁人政和二年壬辰

科進士勾聲賓州人宣和中進士勾蕪成都人朝議大夫
勾詠新繁人紹興中進士勾輔新繁人類省試第淳熙五
年戊戌科進士勾士奇榮州人淳熙八年辛丑科進士勾
廷永安岳人嘉定中進士勾易之順慶人寶慶二年丙戌
科進士勾德純安岳人寶慶二年丙戌科進士勾復之著
州人淳祐十年庚戌科進士勾良傳賓州人寶祐四年丙
辰科進士勾煒者山人又進士勾昌泰成都人類省試第
除職帥夔州

鉤
見姓苑

揮塵錄宋鉤先祖本姓勾避國諱而加金蜀人也

鉤弋氏見英賢傳

列山傳有鉤弋君按鉤弋亦作勾翼

郟
見潛夫論玉篇路史

媯
見姓苑

左昭七年傳衛襄公夫人姜氏無子嬖人媯始生子曰元
孔成子以周易筮之曰元尚享衛國主其社稷

鯀
見韻謚辯證按徐廣云鯀音士右反

史記沛公曰鯀生教我曰距闕毋內諸侯秦地可盡王也

風俗通有人姓鯁名生按楚漢春秋鯁姓也

聚 見姓苑氏族畧

詩聚子內史按古今人表作擷子師古云擷音側流反鄭詩箋本作聚聚氏也孔疏云以子配之字宜从木

路史晉有聚儔音紂又音鄒按晉聚壽為晉陽令羅氏作儔誤

椶 見姓苑按椶即聚也同一字宜从木从才者誤

猶 見姓謹

趙克國傳斬先零大豪楊玉猶非首按宣帝紀作首非

漢學師宋思等題名有文學掾猶玉子朝

巴郡太守張納碑陰有掾史猶潭

姓謹宋有猶道明嘉祐進士邛州人

緡紳錄本朝嘉慶時猶致祥貴州平越州舉人任貴筑縣訓導

媾 此姓諸書無今補潛夫論白狄媾姓也

繇

集古印謹漢有繇通之按正字通作繇延之誤

鳩 見姓苑

北史馬耆國王鳩尸卑那為萬度歸所破奔龜茲
鳩摩氏見姓纂

後秦錄鳩摩羅支世為國相羅支聰懿有大節將嗣相位
遜出家東渡葱嶺龜茲王聞其名郊迎之請為國師王逼
妻以妹生羅什為僧從呂光至涼州姚興迎至長安待以
國師之礼著實相論二卷後死焚屍惟舌不爛按羅什通
辯夏言尋究舊經多有乖謬不與胡本相應姚興與羅什
及沙門八百餘人更出小品羅什持胡本興執舊本以相
考校其新文異舊者皆會于理義

隨書赤土國大業三年屯田主事常駿虞部主事王君政
至其國其王遣鳩摩羅以船三十艘來迎吹蠡擊鼓以樂
隨使進金鑠以攬船月餘至其都

宋使真臘國遣進奏使奉化郎鳩摩僧哥等來貢

鳩夸氏見潛夫論路史

休
見姓苑

漢書氏羌傳振武將軍丘冠先為休留茂所殺喪尸絕域
不可復尋世祖特敕其子雄方敢入仕

西域傳明帝永平中于寘將休莫霸反莎車自立為于寘

玉

前秦錄鄯善王休密馱入朝堅賜朝服

裒 此姓諸書無今補

孫叔敖碑陰有戶曹掾裒騰

巷 何承天纂文巷音淳姓也一作巷又作巷

柔 見姓苑

鏤 見姓苑

僂 見左杜注

左襄公二十三年傳崔杼弑莊公賈舉綽州邢師公孫敖封

具鐸父襄伊僂埋皆死注八子皆勇力之臣從公死崔子之宮釋文僂力侯反埋音因按統謚作婁煙訛

兜 見姓苑

班超傳龜茲王殺疏勒王立其龜茲人兜題為疏勒王又甘英窮西海兜勒遣使貢獻

媿 見姓解

媿訾氏按一作訾媿

古今人表帝嚳妃媿訾氏生摯

取 見氏姓謚

氏姓謚宋取應宗淳熙進士取希晦取希作俱富順人
取慮氏見姓纂

輸 見姓源輸音偷

南涼錄禿髮利鹿孤欲稱尊羣臣皆勸之安國將軍輸勿
嶮進曰昔我先君肇自幽朔被髮左衽無衣冠之儀逐水
草遷徙無城郭室廬故能抗衡中夏雄視沙漠今舉大號
誠順天心然建都立邑難以避患儲蓄倉庫啓敵人心且
首兵始號事必無~~成~~^成陳勝項籍前鑒不遠宜置晉人于諸
城課農桑以共軍需率國人以習戰射若東西有變弱則

朴 乘之強則避之此久安之良策也利鹿孤然其言
見~~華~~易國志孫盛三國志注朴音浮按字宜从才

魏志建安二十年巴夸朴胡舉巴夸來附

蜀錄李雄募成都人朴秦鞭之見血使諳羅尚欲為內應
以火為期尚信之悉出精兵遣隗伯等從秦

讎

史記晉人患隨會在秦為亂乃使魏讎餘詳反合謀會詐
而得會會遂歸晉服虔曰晉之魏邑大夫正義曰讎音受
又作孽音同按左傳作壽餘

集古印誼漢有讎遂之

讎子氏見世本

投 見風俗通路史

呂氏春秋投伐禍相馬芻膏

風俗通漢有光祿卿投調

魏書鮮卑兵投鹿侯從匈奴軍三年其妻在家有子投鹿侯歸怪欲殺之妻言常晝行聞雷震仰天視電入口因吞之遂妊身十月而產此子必有奇異且長之即檀石槐是也

投壺氏見風俗通姓苑

投和羅氏見隨書

隨書投和國在南海大洲中真臘之南其王姓投和羅名

脯邪乞送有朝請將軍總知國政又有參軍功曹主簿城

局金威將軍贊理贊府等官分理文武有學校文字與中

夏不同按唐貞觀中亦遣使奉表

侯 見漢上谷長史侯相碑金鄉長侯成碑唐世系表

韓非子桀臣侯侈按呂氏春秋作惟多荀子作雅侈人表

作侯 侯哆

左傳鄭有侯孺質于楚又鄭有侯晉身尉止司臣等作亂
見襄十一年傳又曹伯之暨侯孺貨筮史者見僖三十年
傳

左傳鄭瞞伐我侯叔夏御莊叔見文十一年

左定十年傳使公都為郕宰武叔既定使郕馬正侯犯殺
公若不能襄二十三年傳齊侯伐衛商子車御侯朝

左傳楚子重伐鄭鄭共仲侯羽軍楚師囚郕公鍾儀見成
七年

國策魏東門隱士侯嬴年七十家貧為夷門監公子無忌

厚遺之不肯受

淮南子侯同曼聲之歌注二人善歌一曰曼長也

風俗通謹案漢書孝武皇帝賽南越禱祠太乙皇后始用

樂人侯調依琴作坎坎之樂侯以姓冠章耳按一作侯暉

漢書呼韓邪單于來朝元帝以後宮良家子王嬙字昭君

賜之單于喜上書願保塞上谷以西至敦煌請罷邊備以

休天子元帝下有司議郎中侯應上言以為不可

漢書侯嘉濟陰人以龔勝薦為諫議大夫先武時破姦將

軍侯進又為積射將軍

桓譚新論侯苞鉅鹿人師事楊雄字鋪子按雄死苞負土成墳

漢書侯章桓帝時為太山都尉賊叔孫無忌攻殺之

東觀記長沙賊攻沒蒼梧取銅虎符太守甘定刺史侯輔各奔出城

後漢書靈帝使侍御史侯汶出太倉米豆為饑人作糜粥終日而死者無數按宗俱碑陰有太原中都侯汶字文林即此人

後漢書光武以尚書令侯霸為大司徒霸字君房嚴光曰君房素癡霸子昱封於陵侯與馬武共言馬援得南方明珠文犀

後漢書岑彭破公孫述將侯丹于黃石

文苑傳侯瑾字子瑜敦煌人作矯世論以譏切當時按敦煌寶錄晉時敦煌又有侯瑾亦字子瑜

隨書經籍志侯包撰韓詩翼要十卷又侯果有周易注侯岡氏見說文周地記此姓諸書無今補

周地記倉頡姓侯岡氏名頡其後居馮翊衙縣按河圖玉版倉頡生而龍顏吻吻四目靈光實有睿德嘗登于扈陽

虛之山見靈龜丹甲綠文揣摩其文理見羣鳥踐沙形勢
錯綜仍依龜文鳥跡製為序天雨粟鬼夜哭

侯史氏見風俗通

漢書燕蓋之亂桑弘羊子遷亡過父故吏侯史吳後遷捕
伏法會赦侯史吳自出繫獄廷尉王平少府徐仁雜治反
事皆以為桑遷坐父謀反而侯史吳藏之非匿者反乃匿
為從者也即以赦令除吳非

姓纂後漢侯史乾為東萊太守因家焉

集古印謚漢有侯史通侯史宗

晉書侯史光字孝明東萊掖人受學于同縣劉夏舉孝廉

州辟別駕咸熙初為洛陽典農中郎將泰始初拜散騎常

侍尋兼侍中與皇甫陶荀虞持節循省風俗及還稱旨轉

城門校尉進爵臨海侯詔曰光中亮素篤有居正執義之

心歷職內外恪尊在公其以為御史中丞雖屈其列校之

位亦所以伸其司直之才光在位寬而不縱太保王祥久

疾廢朝光奏請免之詔優祥而寢光奏後遷少府卒及葬

又詔曰光厲志守約有清忠之節家極貧儉其賜錢五十

萬光儒學博士歷官著績文筆奏議皆有條理長子元嗣

官至弓菟太守卒子施嗣仕至東莞太守按蔡豹傳泰山
太守徐龕攻破東莞太守侯史旄即此人疑施字有訛
亦見後趙錄徐龕傳

侯引氏此姓諸書無今補按一作侯引

魏書賀訥之弟染干以拓拔珪得眾心忌之使其黨侯引
七突殺珪代人尉古真告珪侯引七突不敢發

侯伏氏見官氏志按一作侯伏侯氏

周書柱國侯伏龍恩為宇文護所親其從弟開府儀同三
司植謂之曰主上春秋既富安危繫于數公若多所誅戮

自立威權豈惟社稷有累卵之危吾宗亦緣此而敗兄安
得不言龍恩不能從植乘間言于護曰公以骨肉之親當
社稷之重願推誠王室擬跡伊周護陰忌之植以憂卒及
護敗龍恩及弟萬壽皆死高宗以植為忠特免其子孫
侯幾氏按一作侯幾

通鑑賈顯智陰約降于高歡引軍還軍司弓元覺之馳還
請益師帝遣大都督侯幾紹赴之戰于滑臺東顯智以軍
降紹戰死胡三省曰侯幾複姓也

侯雙氏見風俗通

侯奴氏見官氏志按一作奴氏

侯呂陵氏見路史按一作侯呂陵

魏書初柔然可汗納伏名敦之女侯呂陵氏生伏跋可汗及阿那瓌等六子伏跋立忽亡其幼子祖惠有巫地萬言祖惠今在天上吾能呼之乃于大澤施帳幄祀天神祖惠忽在帳中云恒在天上伏跋大喜号地萬為聖女納為可賀敦後其詐露侯呂陵陵遣其大臣貝列等殺地萬西魏書尉遲迴以開府儀同三司侯呂陵始為前軍至劍閣楊略退就樂廣翻城應始始入據安州

侯莫陳氏見周書

周書侯莫陳崇傳崇字尚樂其先魏之別部居庫斛真水五世祖曰太骨都侯其後世為渠帥祖允以良家子鎮武

川因家焉父典殿中將軍羽林監崇少驍軍善騎射謹懿

少言年十五隨賀拔岳與爾朱榮征葛榮又討平邢杲以功遷武威將軍破万侯醜奴將尉遲菩薩又破賊帥侯伏

侯元進禽醜奴于涇州長坑除安北將軍大中大夫後歸

周又轉征西將軍除涇州刺史後除雍州刺史進位柱國

大將軍歷大司徒空大司徒子芮拜大將軍位國柱從平并

州拜大馬司崇弟瓊字世樂從魏孝武入關為周文帝直盪都督歷金州荊州刺史秦州總管改封武威郡公侯莫陳凱字敬樂亦崇弟性剛正好經史大統元年為東宮侍書從周文帝禽竇泰破沙苑拜寧遠將軍孝閔時拜工部中大夫明帝初為宜州刺史武成初為礼部中大夫保定中為陵州刺史轉丹州刺史所在有治績天和中為司會中大夫崇兄名順少豪傑有志度先從爾朱榮後從賀拔勝從魏從孝武入關與周文帝同里閉素相善拜衛尉卿破企定於河州破趙青雀于渭橋降岐州氏苻安壽封河間郡

公拜大將軍出為荊州總管孝閔帝即位拜少師

庾信集有周驃騎大將軍開府侯莫陳道生墓誌銘按北史周書俱無傳道生疑即侯莫陳順也

魏孝文帝比干墓文碑陰有羽林中郎將臣河南郡侯莫

陳益

齊書侯莫陳相代人祖伏積魏第一領民酋長父斛石提

石作古朔州刺史相歷官武騎大將軍轉司空累授太傅武

平二年薨于周有二子長子榮貴尚公主駙馬都尉次子晉貴武衛將軍梁州刺史隆化時并州失守晉貴遣使降

周授上大將軍

隨書代州刺史總管李景知儀同三司侯莫陳乂多謀画工拒

守之術推誠任之

隨書漢王諒反以大將軍茹茹天保侯莫陳惠直指京師

名畫記侯莫陳履字重構工山水用意極精

唐藝文志侯莫陳邈妻鄭氏著有女孝經

唐書徐浩妻弟侯莫陳愆為美原尉浩屬京兆尹杜濟虛

以知驛奏優又屬薛邕擬補長安尉為季栢筠所劾坐貶

按舊書浩嬖其妾侯莫陳氏頗于政事為時論所貶

又侯莫陳涉神龍二年為商州刺史

五代史張筠為永平軍節度使有偏將侯莫陳威者嘗身

溫韜發唐諸陵分得寶貨筠因以事殺威而取之

宋佞幸傳侯莫陳利用益州成都人幼得變幻之術太平

興國初賣藥京師言黃白事以惑人後貴幸以有罪誅

甌 見東越傳姓苑路史

氏姓謹甌庚貴谿人嘉靖中任興化縣丞

縉紳錄嘉慶時臨桂舉人甌學孔任直隸清河知縣

謳 見辯證路史

左哀十三年傳越越子代吳為二隨謳陽疇無餘自南方
王孫彌庸以屬徒五千王子地助之戮彌庸獲疇無餘地
獲謳陽

漚 見路史

歐 見路史

越絕書周歐冶子善作劍越王聘之作五劍

孝子傳漢有歐寶安成居父喪鄰人逐虎入廬寶以衣
覆之後虎每月送鹿以助祭時人以為孝感按王字安成
記作都區寶

魏志東王屬官歐壽

集古印謚漢有歐可

氏族畧宋有歐慶乾德時人以同三朮出身官彭州推官
知永春縣為人忠信孝弟居官廉貧宗族之孤幼者皆養
于家子世勳登進士歐海茶陵人登第知零陵有勸農十
詩真西山稱為循良之遺

歐陽氏見唐世系表姓謚

漢書歐陽生字和伯千乘人授尚書于同郡兒寬寬授歐
陽生之子世世相傳至曾孫歐陽高字子陽為尚書歐陽

氏學孫地餘字長賓官少府子政為王莽講學大夫

後漢儒林傳歐陽歙字正思千乘人自歐陽生傳伏生尚

書至歙八世皆為博士王莽時為長社宰更始時為原武

令世祖即位由河南都尉為河南令拜揚州牧遷河南太

守後徵為大司徒以汝南藏罪發覺下獄平原兀震年十

七上書求代歙死書奏而歙已死獄中子復嗣

唐世系表晉頤丘太守歐陽建字堅石為趙王殺兄子覽

字純之居長沙臨湘七世族孫景達字敬遠齊本州治中

生荔浦令屯騎校尉僧寶字士章生梁陽山廣州刺史穆

公願字靖世願弟盛為交州刺史次弟遠為衡州刺史願

二子紇約紇子詢字信本貞觀初歷太子率更令宏文館

學士子通字智永天授初官鳳閣舍人按紇在廣州十餘

年威惠著于百越自等皎之叛帝心疑之徵為左衛將軍

紇恐其下勸之反遂舉兵攻衡州刺史錢道戢後為章昭

達所禽斬于建康市詢初學王羲之書後漸變其體筆力

險勁為一時之冠高麗甚重其書嘗遣使求之通晝夜精

力無倦書迹遂亞于詢号大小歐陽體

大業拾遺記歐陽肅即率更令詢之長子長于草隸為時

所重

列仙傳歐陽平師事田良逸將舍宏夢三金爐自天而下
全唐文歐陽玘咸通十^年進士有野人獻日賦

唐書歐陽詹字行周泉州人與韓愈李絳等同榜閩人登
進士自詹始歐陽矩字降之詹從子開成中擢進士為澤
潞劉從諫幕官

柳宗元集宗元與郡將歐陽翼等飲于驛亭曰明歲我將
死死而為神當廟祀我及期果死翼等立廟以祀

五代史歐陽持高安人天復中進士為太學博士察朱全
忠有異志遁歸西山歐陽^彬永豐人性孝友仕南唐為成
昌令檢校右散騎常侍兼御史大夫子彬登進士父母皆
在鄉里榮之

又歐陽廣吉水人南唐保大中上言邊鎬非將帥才必喪
湖南宜別擇良帥益兵以救其敗不報後劉言襲鎬據之
唐主思廣言拜本縣令

蜀檇杙歐陽彬^字齊美衡山人博學能文 祖以為嘉州刺

史青山綠水中為二千石作詩飲酒為風月主人豈不喜
乎

五代史歐陽敷字彞道南陽人後漢隱帝時為中書舍人
繼秉天雄軍節鉞周太祖時為光祿大夫檢校尚書侍郎
子燁登咸平進士歷官常侍

五代史歐陽迴彞陽人父珏通泉令迴事孟知祥拜門下
侍郎戶部尚書平章事監脩蜀史歸宋為翰林學士歐陽
觀字仲賓永豐人與弟暉同登進士性仁孝歷綿泗二州
推官暉字日華為隨州推官後至都官員外郎歐陽載字
則之淳化進士拜御史後歷廣東南轉運使知江州

宋史歐陽修字永叔以太子少師致位著有集古錄子發
棐發字伯和自書契以來君臣世系制度文物天文地理
靡不悉究官殿中丞棐字叔弼元符末官吏部左侍郎中
知蔡州坐黨籍廢歐陽志修裔孫著有輿地廣記書成于
政和中

宋史歐陽澈字德明崇仁人憂國憫時出于天性靖康初
應制條敵政陳安邊禦敵十策走行在上封事詆用事大
臣為黃潛善構死著有飄然集

江西志歐陽守道字公權初名奕字迂父吉州人以德行
稱登淳祐進士仕至都官郎中歐陽珣字全美廬陵人崇

廩進士官將作監丞使金被殺歐陽鈇字伯威廬陵人少
負氣節有文章其詩騷最工楊誠齋愛其詞手抄警句誦
之歐陽斗南安福人性質直尚氣節秦檜專政斗南上書
言國事

江西志歐陽旻字彥昭永新人隆興初任新化主簿著盡
心錄以見志年方壯致仕歐陽椿字永年分宜人紹興進
士以奉郎致仕蕭散林泉號宜林老人有自脩集

湖南志歐陽程營道人為郡吏能詩太守與之金使歸學
登進士累官屯田員外郎

江西志歐陽元量字弘中新喻人少有遠志與弟昌邦入
青原山著決勝兵要經進于上官陽山令

江西志歐陽先祖字慶嗣崇安人乾道八年登第後為江
西運管

江西志歐陽闢字晦夫靈川人至和間與弟簡同學詩于
梅聖俞元祐六年登進士任雷州石康令為唐少卿著
仙傳

元史歐陽彥字原功仁宗延祐首科進士授平江同知後
官翰林待制兼國史院編脩官後拜翰林學士承旨著有

圭齋集

江西志歐陽銘字日新泰和人以薦除江都縣丞遷知臨淄治廉靜平恕暇輒與諸生講文藝歐陽鐸字崇道泰和人正德進士授行人上書極論時政不報後遷吏部右侍郎鐸有文學內行修潔仕雖通顯家居蕭然

甘肅志歐陽重字子重慶陽人正德進士嘉靖六年拜右僉都御史巡撫應天改雲南平土酋鳳朝之亂

江西志歐陽德字崇一泰和人甫冠舉鄉士從王守仁學登第除知六安州至夙部尚書歐陽瑜字汝重學于王守

仁舉于鄉不就會試守仁教之曰老親在三公不與易也後官四川參議有廉惠聲歐陽貞字元春分宜人從學士揭傒斯學工古文洪武初以易經魁鄉試授考城主簿著有周易問辯三十卷史提鉤七十卷

湖廣志歐陽謙字伯益沔陽人舉明經授耀州學正除監察御史改編脩優于文學所著有滄浪策歐陽柟潛江人事親篤孝一日羣寇入室獲其父挺以身代賊怒斷指流血父賴免歐陽東鳳字千仞一宜字都潛江人年十四喪父哀毀骨立母病嘔血跪而食之舉于鄉縣令憫其貧遺

以田二百畝謝不受萬麻己丑成進士除興化知縣遷南
京刑部郎中擢平樂知府撫諭生徭相親如子弟以才調
常州布幄瓦器胥吏不能牟一錢禽奸人巨盜且盡為有
明三百年來循良第一後官山西副使
歐侯氏見漢書顏師古注

漢外戚傳時許廣漢有女年十四五當為內者令歐侯氏
子婦臨當入歐侯氏子死顏師古曰歐侯姓也歐音烏溝
反

岳

此姓諸書無今補

按周處風土記昔有岳老得道于此因名山廣韻岳音歐
集韻或作山音偶

彊

見韻會

區

見風俗通廣韻詳見虞韻

樓

見姓苑

戰國策齊有樓緩樓昌樓梧按一作樓梧魏人

史記淮南臣有樓緩按漢書直云緩無樓字韋昭曰淮南
臣名

淮南子魏用樓翟吳起而亡西河按文選注作樓季許慎

注樓季魏文侯之弟也莊子樓季大盜也別是一人又按
枚乘七發王良造父為之御秦缺樓季為之右是樓季一
勇士也

史記魏有樓鼻樓元作鼻國策游騰謂公仲曰收韓趙
之地以臨魏樓鼻必敗矣

漢書樓護字君卿齊人為天水太守養故人呂公終身日
游五侯之門日致餽餉合五侯所致之鯖而食之名五侯
鯖

儒林傳樓望字次子雍丘人治嚴氏春秋操節清白教授

不倦世稱儒宗永平中為侍中越騎校尉遷大司農代周
澤為太常常坐事左輔大中大夫後官左中郎將按江徽陳
畱志望受春秋于少府丁子然

劉寬碑陰門生有鄒樓哀按晉東海越王將有樓哀

魏志司馬樓異太祖身呂布戰陳亂馳突火出墜馬燒左
手掌樓異扶太祖上馬遂引去

吳志樓彞字承先沛郡蘄人孫休時為監農御史孫皓即
位與王蕃郭連萬彧俱為散騎中常侍出為會稽太守入
為大司農舊禁中主者自用親近人作之或陳親密近職

宜用好人皓因勅有司求忠清之士以應其選遂用為
宮下鎮禁中候主殿事中少九卿持刀侍衛正身率眾奉
法而行應對切直數廷皓意漸見責怒後人誣白少與賀
劬相逢駐車共耳語大笑謗訕政事遂被詔詰責送付廣
州

姓篡後漢樓秦自譙徙會稽之西部因居東陽烏程縣唐
新州治中樓仲興其後也按隨未有東陽賊樓世幹

晉書成都王穎帳下督樓權自稱將軍按後趙錄作樓機
晉書成海王越有將軍樓良斬劉淵冠軍將軍呼延朗于

陳按通鑑作褒宋曹襲河橋褒西走

秦書苻堅建武十八年新羅王樓寒遣使獻美女

北燕錄馮弘征南將軍樓敷

南史樓惠明字智遠立性貞固有道術居金華山舊多毒
害自惠明居之無復辛螫之苦齊高帝徵不至

宋史樓昉與弟炳俱以文名從呂祖謙講學號迂齋嘗集
古今文名曰崇古文訣又樓鑰字大防鄞縣人自參知政
事進大學士著攻媿集一百二十卷

宋統文志樓琦著耕織圖一卷按琦攻媿之世父也官至

揚州安撫

宋史高宗時樓炤為陝西宣諭使叛將來歸復委用之

宋史樓翼字試可奉化人元豐進士為鴻臚卿直秘閣後

改知本州墾廣德湖為田七百二十頃

宋史樓海以司法權宰清遠縣峒寇一夕入縣海_治挺身

出諭死之事聞詔褒贈

浙江志樓觀天台人進士與兄覺_皆名時號二樓官大

理少卿

浙江志樓大年字元齡義烏人朱熹弟子登進士歷知遂

安南昌所至多善政著銘心偶錄

浙江志樓郁字子文奉化人登皇祐進士調廬江主簿丁

母憂自歎祿不逮養絕意仕進以大理事評事終于家

鄞縣志樓得_達博于文執于奕稱專門永樂初召至京與

江陰相子先對奕屢勝命吏部給冠帶

吳縣志樓澄字文從父紹自鄞徙吳早從貝翔學_夏原吉

與論水利欲薦之以疾辭有林泉鼓缶集

題名錄樓澤永康縣人正統乙丑進士樓東鄞縣人成化

乙未進士樓日成大興人順治丙戌進士樓克興義烏人

乾隆丁丑進士

樓季氏見潛夫論辯證路史

婁 見風俗通唐世系表廣韻

漢書齊人婁敬以布褐見高帝勸都關中號建信君

金石錄多儒先生婁壽碑先生諱壽字元考南陽隆人也

曾祖父修春秋以大夫侍講至五官中郎將祖父太常博

士徵朱爵司馬親父安貧守賤不可榮以祿先生童孩多

奇岐嶷有識挽髮傳業好學不厭榮且溺之偶耕甘山林

之香藹道世無悶穉徒衡門郡縣凡請終不回顧捲樞篋

牖樂天知命年七十有八熹平三年正月甲子不祿國人

乃相與論息處謚刻石作銘

魏志注婁圭字子伯少有猛志先依劉表後歸曹操軍國

大計常與焉

異苑晉宜陽山下婁陽與異人交接

後魏書婁雄提傑有識度僮僕數千牛馬以谷量

後燕錄尚書郎婁會上疏以人心奔競苟求榮進身冒隳

經以赴時役宜聽終三年之凡墜不從

北齊書婁昭字菩薩平城人方雅正直有大度深謀齊神

或時授領軍將軍後出為定州刺史

齊書婁幼瑜字季太末人聚徒教授不應徵辟為臨川王

映^所賞異著凡招拾三十卷

梁書婁寶字道成性淳樸好讀書明帝時仕至朔州刺史
大同元年進儀同三司寶為人清簡少言頗諳舊事

唐書婁師德字宗仁原或人方口博脣學行俱美登進士

第調江都縣萬歲通天二年起為鳳閣侍郎同平章事

宋史婁賓字涉明永嘉人登政和進士後擢監察御史婁

機字彥發嘉興人登乾道進士仕至資政殿學士著歷代

帝王總要班馬字類

明史婁志德字存仁項城人正德進士官巡撫著兩浙賦

役全書有實濟京師語曰天下清官婁志德

幽 見姓苑

果 見姓謹

印 數漢有果夜敞果夜張按亦見集古印謹

油 見姓謹

全唐詩油蔚淮南幕職有贈別營妓卿卿詩按資暇錄建
始中蜀帥崔寧之女以茶杯無襯病其鬢指取襟子托之

頭

見姓苑

生任隰州訓導

既啜而杯傾乃以蠟環楮子之中央其杯遂定即命匠以漆環代蠟進于蜀相蜀相奇之為製名而詒於賓親人人為使用於代是後傳者更環其底愈新其製以至百狀焉貞元初鄆帥油蔚繪為荷葉形以襯茶椀別為一家之楮今人多云茶托始此非也蜀相即今昇平崔家說則知矣正字通油鳳洪武舉人陵川人知交趾諒江州油茶開州人正德中貢生任陝西平涼府判油

銘

臨朐人正德中貢

涪

見姓苑

璫

見姓苑

適

見姓苑

盍

見海篇直音音求

梳

見姓苑

湫

見姓苑

收

見姓苑

溝

此姓諸書無今補

澍僑寓西安府日見順城巷有賣小刀之溝家問之名學

海峯州人也



